

Aste Santua inoiz baino lehen dela eta jarriak

I

Aurten sekula baino le(he)nago
Aste Santuko astea,
hori dela ta mugitu xamar
hasi da aurten urtea
bat izan dira, ordu txikitan
parrandatik iristea,
Urteza(ha)rreko arropa kendu
ta mozorroa janztea.



KARLOS CORBELLA

IV

Sansebastianek oroitarazi
zuten urtero moduan
txotx sasoiaren parekorikan
ez dagoela munduan.
Denboraldia bukatzen bada
Aste Santu inguruan
etzaigu asko gelditzen eta
joan beharko da orduan!

II

Ikasle pila azterketetan
sarturik zela tarteko
inauteririk ez dute izan
azterketak prestatzeko
baina pentsatu ta kalabazak
aurten ez dira kalteko
haragi faltan, ederki datoz
garizuma ospatzeko.

V

Urte osoko egutegian
aste hau da jaien parte,
hasi orduko, atsedentxo bat
nahiz ez den izango kalte
nola uztaila ta abuztua
dauden martxotik aparte
tarte handia geldituko da
udako oporrak arte.

III

Aste Santuak baldintzatzen du
Nafarroko txapelketa
ta normalean urte haseran
jartzen diogu arreta.
Aurten tamalez bide erdian
gelditu da prestaketa
bazetorrela ohartu orduko
gainean geneukan eta.

VI

Kontuak kontu, azken duda bat,
plazaratu eta aio!
Jesus oroitzuz egiten dira
hiruzpalau meza saio:
gurutziltzatu, berriro piztu...
ongi... baina zer arraio
heriotzaren urteurrena
zergatik aldatzen zaio?